



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De viatore incendiario, quem frigidum ferrum inussit, cap. 36.

urn:nbn:de:hbz:466:1-13177

aqua contra naturam incanduit. Quid plura? absolu-
tur homo. Post dies plurimos, cum alio pescatore offi-
cij sui causa in flumine nauigans, cum domū prædictæ
mulieris vidissent, ait alter alteri; Valde miror, & mul-
ti mecum, quare te in synodo non inusserit ferrum,
cum tam manifestum fuisset tuum peccatum. Ille de
gratia sibi collata indignè glorians, eo quod iam vo-
luntatem fornicādi cum illa concepisset, manu aquā
fluminis percutit, & ait: Ecce tantum nocuit mihi
ignis ille. Mira Dei iustitia, qui misericorditer pœn-
tentem custodiuit, iuste & miraculosè nimis punivit
reciduantem. Mox ut aquam tetigit, candens ei fer-
rum aqua fuit, quam statim cum clamore valido re-
trahens, pellem dimisit in aqua: omnia circa se gesta
socio referēs, sera ductus est pœnitentia. Non discon-
dat ab hoc miraculo, quod monachus noster Lam-
bertus recitare solitus est.

CAPVT XXXVI.

Resticus quidam contra alium habens inimi-
citas, cuidam maligno homini de ordine
viatorum, quales multi sunt, pecuniam dedit,
ut domum illius incenderet; quam sub specie religio-
nis intravit, & tempore conueniēti succendit; imme-
mor miserrimus hospitalitatis, postquam fuisset rea-
dificata, accepto pretio, renouauit incendiū. Turbar⁹
homo, repete omnes, de quibus suspicionem habuit,
accusauit, qui per candens ferrum se expurgauerunt.
Denuo domus incensa, reađificata est, & ferrum idē
in angulum eius proiectum est. Quid plura? venit
xursum pseudouiator ille, antiqua corruptus avaritia,
humane satis suscepitus, cùm ferrum iam dictum vi-
disset, & quis eius usus esset interrogasset; respondit
ille; Nescio quis domum hanc in altera vice succen-
dit, & cùm de quibusdam habuissim suspcionē, can-
dens illud portauerunt, sed non sunt exusti. Tunc il-
le; Ad aliquos usus posset conuerti. Quod cùm nra
Dei leuasset, sic in manu adustus est, ut cum clamore
illud iactaret. Quod vbi paterfamilias vidi, incen-
diarium per vestem tenēs, exclamauit; Verè tureus es.

Mox

LIBER DECIMVS.

613

Mox ad iudicem ductus, culpam vellet nolle confessus est, sicutque pena rotali damnatus. Multa huiusmodi miracula inuenies in distinctione confessionis. Unde his omissis, videamus quid Deus miraculorum operatus est in aere. Quod verò ipse Dei filius Iesus visus sit in nubibus cœli, non tamen in maiestate, sed in humilitate, exemplis veris tibi potero demonstrare.

CAPVT XXXVII.

DVM Oliuerus Scholasticus, cuius verbis vtor; In aere
crucem prædicaret in Frisia, in diœcesi Monasterensi, villa Bedian, mense Maio, feria sexta ante Pentecosten, sicut alibi me dixisse memini, triplex forma crucis apparuit in aere, vna candida, versum aquilonem; alia versus meridiem eiusdem coloris & schematis; tertia medio colore colorata, habens crucis patibulum, & formam hominis in ea suspensam; eleuatis brachiis & extensis, cum infixione in manibus & pedibus, & capite inclinato. Hæc media fuit inter alias duas, in quibus non erat effigies humani corporis.

CAPVT XXXVIII.

ALia vice, & alio loco, in villa Frisiæ Sotershuse, tempore prædictæ prædicationis crucis, apparuit iuxta solem vna crux cerulei coloris.

CAPVT XXXIX.

Tertia fuit apparitio in diœcesi Traiectensi, in villa Dochey, vbi sanctus Bonifacius corona. Dockus
tus fuit martyrio, vbi in die martyrij eiusdem, cum multa millia accessissent ad indicta stationem, apparuit crux alba & magna, ac si trabs ex transuerso trabis artificialiter composita fuisset. Hoc signum vidimus omnes: (verba sunt prædicti Oliueri) mouebatur autem paulatim ab aquilone ad meridiem. Huic visioni interfuerunt dominus Henricus Abbas noster, & Winandus monachus eius, qui & ipsi viderunt.

Rz

CAPVT

